

子良詩存

子良詩存卷十一

番禺馮詢

生外孫有作

居然亦抱孫老夫福未薄論女已外向外孫更隔膜然
豈得謂兒於我竟無着嗟我近六旬一子方幼弱有女
却四人長者纔出閣向平願正賒白髮已蕭索望幼子
生子如晚收再穫未孫見人孫歡感輒交作今茲湯餅
會可附含飴樂樂甚呼幼兒摩挲撫頭角汝今爲人舅
老成勿戲謔轉歎催我老汝曹起躍躍

劉詹嚴殿撰陳情歸養出示紀恩詩賦贈

春秋責備賢出處衆嘖嘖乍出旋復處尤非衆所測
惟君孝思不以出處易處既爲親處出亦爲親出此意
動

九重帝許還山轍更蒙

賜存問瑣細到服食要向親述恩莫訝歸心急

紀恩詩有旁

人莫訝歸心急要向親述恩莫訝歸心急
親前述主恩之句轉思奉

召時君命親促迫安得藐爾躬並侍君親側得君以事
親顯揚庶子職君門雖萬里感通在誠積乃知忠孝事

論心不論迹豈有家庭間而可慕矯激

留別詩有敢爲矯激慕高風之

句倘謂君希榮何早伏泉石白華事孝養皇華事行役

讀君紀

恩詩可以補束皙

仁義溺

有序

吳城鎮爲東南一大都會近則日敝敝於倒行

奸牙假倒行肥家不足言矣若乃智短心長計

工力拙乘危放跌忍辱求存旣倒復開復開復

倒市儈伎倆歲歲有之至以倒業爲恥誓將報

客憤不顧身如孫仲理者可風也孫江左人貿易來吳平生絲毫不苟負客數千金客以其義不之責也而孫常鬱鬱感憤慮無以對客庾戌冬鎮有倒行者孫被累益憤一夕酒酣拍案語妻子曰男兒死耳我豈爲若所爲哉惘惘出門去及曉尋之則溺死福善寺矣搜其遺籍出入了了不名一錢籍上大書四語曰不怨德和不怨致和仁義爲重其奈命何德和致和皆倒行負孫者嗚呼人之負已不怨已之負人則以死

殉焉成仁取義孫何愧哉鎮人嘖嘖爲孫歎息

予特表之作仁義湯

市路營營何所止曰爲利生爲利死異哉仁義出市人
吾儒讀書毋乃恥市人豈必不讀書心計能令巧者愚
營私亦每遂所欲守義或反亡其軀江左孫郎是人傑
矯矯塵中見風骨豈能成敗論英雄要以精誠貫金石
紛紛市僧富且盈善人有志竟不成然諾但知山斗重
忠信賴使波濤輕出門回頭語妻子男兒一死鴻毛耳
甯人負我毋負人輕薄者流何足齒江頭一夜生悲風

市人齷齪避鬼雄尾生沉波誓守信屈子抱石悲懷忠
死無遺恨談何易煌煌兩字書仁義來去分明卽聖賢
遺籍長留照天地吁嗟乎自從吳城鎮市開年年估客
東南來天道盈虛有消息誰其知者惟貪財明攘暗奪
計百出奸徒自詡經營才潛身早覓逋逃藪快意還營
歌舞臺豈知千家萬家哭怨氣入室爲禍胎身肥子孫
作餓殍求死不得吁可哀吁可哀吳市市中何處非
塵滓乾淨土惟福善寺寺前無風波不起禍水誰知功
德水嗚呼禍水誰知功德水清白流芳孫仲理

睡起

此席平生暖不遑三眠三起夜暮涼一生夢少忘情法
百種愁多却睡方白晝攤書閒似隱黃紉擁被老爲郎
燈花未委心猶熱看取煎膏與熱香

望月

水驛山程處處圓圓時便覺別愁牽故鄉久已無明月
與我追隨二十年

尹湜生秀才

繼美

見訪賦贈

尹生名早識相見問平居侍病因知藥娛親在著書

秀才

性至孝侍母病久考藥論醫因得雜著數種江山遊子路風雨古人廬百味

經甘苦殷勤記寵儲

讀書期用世寥落愧非才詩卷憑誰定襟懷爲爾開樽

前餘白髮門外卽蒼苔轉問青原路談經幾客來吉州青原

書院專治經事

息夫人廟有序

按劉向列女傳楚滅息虜其君使守門納息夫人於宮楚王出遊息夫人出見息君曰人生要一死而已何至自苦妾無須與之曰而忘君也

終不以身更貳醢生離於地上何如死并於地
下乎乃作詩曰穀則異室死則同穴謂予不信
有如皦日遂自殺息君亦自殺楚王賢其夫人
守節有義乃以諸侯之禮合葬之據此則息夫
人貞婦也後人龔左氏浮誇遂有桃花夫人廟
使貞婦受誣千古可歎哉作二絕句表之

終教死并勝生離信誓明明皦日知一痛楚王應自悔
羈衣如縶拜靈祠

蛾眉謠詠古堪嗟惆悵東風日又斜地下劉郎知到否

千秋遺恨種桃花

許賓衢觀察同年北上過吳城出粵東紳士却嘆
人入城書屬題別後奉寄卽補送其行

有序

先是外夷犯粵議立和約有入城一條前節相
耆公不得已據情入告期三年後舉行未幾罷
任去徐公由撫晉督沈毅有胆畧撫一年諗知
粵東民情大可用而三軍之氣不可以不振也
及期諸酋具舟請見公挺身與酋會面折所求
十數事詞色不撓酋知公不可動復申入城之

請公曰吾言於朝以決從違可乎諸曾唯唯惟
命公乃不動聲色密與今中丞葉公同心協力
爲戰守計徵驍勇繕礮械儲糧糗勸諭紳民捐
貲禦侮旬日雲集絕夷人貿易園園景從一時
粵中士氣大振公又命紳士馳尺一之書曉譬
禍福於是賢衢觀察王稿書成請正於公以爲
可觀察遂偕同衆紳士赴夷館向諸酋陳述書
意迨

諭旨下公復曉以衆怒難犯入城之議遂息入奏

上大悅奉

上諭夷務之興將十年矣沿海擾累糜餉勞師近年雖畧臻靜謐而馭之之法剛柔不得其平流弊以漸而出朕深恐沿海居民有差跌之虞故一切隱忍待之蓋小屈必有大伸理固然也昨因暎夷復申入城之請督臣徐廣縉等連次奏報辦理悉協妥宜本日又由驛馳奏該處商民深明大義捐貲禦侮紳士實力勸勸入城之議已寢該夷照舊通商中外綏靖不折一兵不發一矢該督撫安民

懷夷處處皆扶植根源今該夷馴服無絲毫勉強
可以歷久相安朕嘉悅之懷難以盡述允宜懋賞
以獎殊勲徐廣縉着加恩賞給子爵准其世襲並
賞戴雙眼花翎葉名琛着加恩賞給男爵准其世
襲並賞戴花翎以昭優眷發去花翎二支着徐廣
縉葉名琛分別祇領穆特恩烏蘭太托恩木額洪
名香祥麟合力同心各盡厥職均着加恩照軍功
例交部從優議叙候補道許祥光着加恩歸入新
班遇缺先用不論繁簡候補郎中伍崇耀以道

員不論雙單月歸部銓選並賞給三品頂戴所有
粵省文武各員着徐廣縉擇其尤爲出力者酌量
分別保舉候朕施恩至我粵東百姓素稱驍勇乃
近年深明大義有勇知方固由化導之神亦係天
性之厚難得十萬之衆利不奪而勢不移朕思其
翊戴之功能無惻然有動於中乎着徐廣縉葉名
琛宣布朕言俾家喻戶曉益勵急公向上之心共
享樂業安居之福其應如何獎勵分別給與扁額
之處着該督擇其勞勩錫以光榮毋稍屯膏以慰

朕意欽此自庚子辛丑興兵構怨以來外夷橫行
有求必得入城之舉若閩若越若吳莫不然矣
獨粵乎哉是役也阻夷志挫夷鋒使夷不敢妄
求所關非僅吾粵也粵人既爲徐葉二公建紀
功碑而却夷入城一書有不可沒者惜無健筆
未能掄揚萬一耳

我聞廣州城門一過可得三千萬繁華邊市防夷患關
疆却憶趙佗城一紙天書遂朝漢洪惟我

清海宇旣平宏開百粵雄建三城一城所據地有幾能

使夷狄尊

天子海關開天使來天使來朝潮夕汐喧如雷西鯨東
鰈朝越臺越臺可望不可即木棉花開赤城赤鉅海樓
頭高似天番兒望氣徒嘖嘖噫寶玉鄉忽戈馬場背城
一戰約法三章蠶夷敢作要盟計單騎汾陽奪夷氣邊
將重收靖海勲疆臣肯食和戎利君有筆一枝勝於百
萬師詞如父老難意作侏儒揮豈惟文章化兵革要以
忠信行蠻夷吁嗟出閩入越橫如許一角粵城真砥柱
大府能成衆志城

褒功剴切傳

天語一介書生萬里長征華夷並識君威名

帝曰籌邊汝則能錫汝豸服熊旗朝廷倚汝爲長城
嗚呼朝廷倚汝爲長城願君努力副此行

獨坐

官閒甘寂淨獨坐過殘春書到有知己詩成無和人感
時驚老大卽事歎因循努力課花竹教僮知苦辛

江樓別館

有序

江樓卽滕閣以閣上有西江第一樓扁故閣亦

稱樓樓下西偏有屋數椽行館在焉予屢寓是
間遂有此詠

一角危樓盡日憑客愁時向靜中生非耽飲酒緣無事
不敢題詩怕得名劫後斷碑文字感別來孤枕雨風聲
無端惹得江湖氣日日江頭學送迎

滕王閣今爲
接官亭矣

與符雪樵大令小飲江館叙別

卑官塵網厭紛纒爛漫相逢卽散仙十載功名婪尾酒
一江風雨聚頭船別來歲月流如水老去賓朋散似烟
行樂及時歸便得豈應愁辦買山錢

過東湖書院感鄒慕喬同年

山堂寥落座生塵
曾爲良朋置席裯
任昉已貧無弔客
鄭元雖往有傳人
門前草長空三徑
湖上花殘又一春
料得舊題詩句在
巡牆尋壁轉傷神

湖亭雨望

十旬陰翳障湖天
湖上寒光撲眼前
遠樹入春多似草
亂峯和雨化成烟
閑來欲試中冷水
歸去應耕下潁田
吟到大江流日夜
謝公愁思浩無邊

熊璧臣觀察以白樂天琵琶行全首分句爲題作

試帖成帙命題

一曲千秋白樂天微茫曲意要人傳苦心逐句吟如註
便當西崑錦瑟箋

對酒當歌首重搔縱橫聊復動吟毫無端割碎邱遲錦
筆似并州快剪刀

勿論歌短與歌長譜入琵琶盡可傷亦是不忘情一事

白樂天有不能忘情吟斷香零粉自收藏

巡宣江上駐征驂吟到潯陽興不凡閨閣風情臺閣體
繡衣終不比青衫

送鄒鍾泉同年擢京兆尹北上

赤紫爭傳

紫詔封皇皇驛路走車熊一麾遂置人頭上

京兆爲頭上尹用唐

劉栖楚事三輔先勞

帝念中功在劇繁宜輦轂法行豪貴亦併幪卽今萬國承流日爲贊新猷重望公

屢向公餘侍起居實聞經濟敢虛譽古今載籍循良傳

選論歷代循吏傳爲道齊正軌一書

中外交章保薦書長聽江流思駐節

杜牧登澧州驛樓送京兆韋尹詩政聲長與江聲在自到津樓日夜聞

卽看湖景記題興

曾作望
湖亭詩
台司便到心如舊
莫負艱虞涉海初
命題涉海
初心圖

呈張小浦督學帶

易俗移風仗大賢
權衡有主士聯翩
六官吏部人倫鑑
一輩英才弟子員
聽許化龍思脫網
記陪相馬識加鞭

癸卯督學主江
西鄉試詢分校
力能振拔須全力
唐舉屯蒙處處然

一角湖亭駐使車
登臨揮洒亦規模
書望湖
亭扁額
遊經嶺海

胸逾濶
主試
粵東
居近河汾道不孤
籍陝
西
日下車聲朝闕會

時同集湖亭送
京兆鄉尹北上
雨中帆影過江圖
憐才未厭風塵俗談

笑抄詩獎吏胥

閑中遣興

草草林亭布置完
閑中隨意寄遊觀
推寒送暖家常語
起早眠遲本分官
良友萍蓬聯舊榻
吳城街途故人市
人瓜果進新盤
鎮物新出市人必先進署中以志敬也
近來學得居貧法
不解持籌夢亦安

輓邱仲魚司馬

夢旗

壯戀朝廷老戀家
似君曾未負年華
一官安穩歸無恙
五品平生願匪奢
公案已完閑歲月
料錢兼盡拙生涯
休糧無術重求祿
草草還山計亦差

知交垂暮黯難憑況是纔傷別路經訪我正迴寒雪棹
司馬歸老以貧累復出謁選入都枉過吳城聽予力勸而返哭君遙望夕陽亭病論
出處潛踪勸老託妻孥帶淚聽一種淒涼看不得雨窓
塵札任飄零

李竺香孝廉旂過訪吳山贈詩賦答

新詩投贈見平生賁孟籌韓感此行便借詩歌圖主客
早聞談笑動公卿上書未用非無策下第猶傳始是名
終喜孝廉爲世重但停船處有人驚

無才便合掩柴扉頭腦冬烘與俗違聖代文章公等在

冷官朋舊古來稀
蹉跎愧我肱三折
抱負輸君腹十圍
忽地相逢驚轉惜
昂藏如此只儒衣

形容修偉

望廬口占

同官厭冷稀
投刺過客知
貧少駐船不是匡廬誰顧我
謝他杯酒酬江天

漫興

不須寥落歎塵埃
老去偏教壯志恢
狂蕩世疑耽酒病
窮愁天鍊著書才
千緡在手琴休碎
百劫翻身局又開
難得湖山供笑傲
等閒乘興獨登臺

寄答歐陽後屏廣文

樹蕃

似君風雅豈尋常七百年來翰墨光世族共誇歐里第

文儒曾見宋祠堂

宋賜歐陽文忠文儒讀書堂在永豐縣沙溪今改爲文儒書院予辛永豐

以考課屢至是地

才堪華國門偏冷官未離鄉徑不荒留得京

華聲價在少年揮洒賦長楊

故山游侶悔輕拋尊酒無人問舊匏江上送迎爲吏隱

夢中酬唱託神交

予與廣文尙未謀面

未能報玖慚投李轉爲連

茹望拔茅

廣文登拔萃科

得免風塵甘寂淨豈應還惹子雲嘲

題後屏廣文我與我周旋圖照

紛紛人我亦徒然顧影無人只自憐或者周旋儂可附
青衫風味似青瓊

樹寄生

天下不義物莫如樹寄生寄生何由生借樹以發榮既
榮遂占樹勢與樹相傾寄生何由生鳥遺實所萌既萌
不知鳥鳥自棲枝鳴寄生何能生根柢已無憑一遇折
枝人去爾如葛藤爾不念樹德豈能感鳥情

題余亦森茂才

蓮炬

教子讀書圖

笏床經笥列森森謝傅教兒意可尋童子佩觿兼佩觿

古人遺籍勝遺金三椽老屋閉門第一代傳家舊士林
爲語諸郎珍重看讀書無負乃翁心

安青居鹽政叅軍

樹森

屬題騎虎圖照

慷慨看君便出山慣騎虎背轉安閑畫成皮骨須全力
窺見英雄此一斑未必手無長策在記曾身著短衣還
何人會得神威意游戲清泉白石間

贈陸怡安大令

以濟

棲遲零落厭風塵回首歡場淚滿巾手酒柳兼三月候
肉絲竹聚一堂人心情老去沾泥絮踪跡

唐人謂手酒
柳爲三絕

浮生隨園圖賣劍賣文豪傑事不應歧路更傷貧

怡安大令屬題添香佐讀圖

圖爲三十年前作
自序極今昔之感

陸郎清才豈腐儒座無美人不讀書香殘燭盡意難叫
陸郎讀書正年少碧紗籠絳紗帷更香案壻金龜爲君
讀書想襟期人生行樂須及時感遺簪憶敝履尋故劍
鑽故紙爲君讀書悲歌起少日繁華如逝水繪圖慎勿
繪美人美人好色無十春

怡安大令自畫竹梅團扇送其寵姬携子女歸里

屬題

結子生孫處處宜
梅花並蒂竹連枝
合歡寫出團圓易
兒女青紅快一時

朝朝暮暮雨兼雲
紙閣簾簾伴爾身
何術能修清艷福
梅妻鶴子竹夫人

不論庭院與山窪
種得靈株是物華
成實可餐枝可宿
眼看鸞鶴屬君家

零落天涯感斷蓬
愁紅慘綠路西東
知君舊是栽花手
高淡應無此兩叢

少日銷魂老斷腸
回頭翻憶好時光
記拚月下清華影

寫徧東鄰宋玉墻

風雪清寒亦有年
鍊成老幹轉新鮮
此中已透春消息
又送桃花渡口船

他日還山興不孤
伯鸞偕隱有妻孥
畫眉剩取年時筆
更補吟風踏雪圖

齊紈題就當題襟
題到冬青戀故林
此扇不須煩拂暑
知君先有歲寒心

送姚石樵三尹轉餉湖南

榴花如火向人燃
奉役看看爛着鞭
沅澧瀟湘江漢路

芻茭楨幹糗糧船警嚴押隊蠶叢下揮汗題詩驛道邊
見說將軍能愛士從戎賓客半貂蟬

林桂楣司馬出示義馬行感而同作

有序

司馬爲予言庚子冬外夷犯吾粵沙角失守三
江協鎮陳公連升死之公之子又死之公之馬
爲夷所得馬悲鳴作人泣夷察其良也飼以芻
豆不食夷乘之馬怒踢墜夷於地夷恨甚刃其
背棄諸野制府祁公聞而義之募力入馬所務
得馬以歸卒不食死司馬見於節署爲作義馬

行云

嗚呼公馬死不死馬無主人公有子一家血染三江水
戰場踣碎雄心起我公愛馬如愛兒馬與公子皆權奇
銅聲敲骨瘦愈健傷哉一蹶乃不支公子死公公死國
馬兮未死馬非弱銜辛嚼苦不敢嘶似爲報仇甘受縛
豈香芻滿棄弗顧番兒墮地羞轉怒腰下三看日本刀
欲殺不成委諸路祁公聞義爲馬悲募客捨死求馬歸
豈知馬義匪獨在仇敵但非其主粟不食嗚呼安得有
馬如此雄駕馭想見吾陳公公今死矣氣如虹馬亦上

天爲神龍吁嗟乎在廐自肥伏櫪老世無伯樂馬顛倒
從來馬得名在死不在生輩可以褻豪傑肉可以饗士
卒君不見燕昭王散盡千金買枯骨我聞當日亂寇抵
疆場若者易服潛若者抱薪匿二者皆實事司馬親見爲予言之先奔
反自誇養馬得馬力我以不死爲馬惜

慈硯詩爲林桂楣司馬作

有序

司馬丁內憂以未迎養不得奉遺訓爲憾因涕
泣爲予言太夫人彌留之際特寄一硯且傳書
曰我守此硯數十年不輕示人今以傳汝蓋屬

望於司馬者深矣司馬囑作是詩彰母教也

欲著千秋名仗此一片石吁嗟慈母心刻苦似石關石
關自端溪錯雜沙與泥誰歟琢爲硯什襲歸慈帟珍重
愛無比愛硯如愛子傳子要傳賢賢者不負此憶昔侍
高堂望子爲歐陽晝荻使知苦此硯宜且藏稍長拔俊
秀庠譽滿人口勉以鐵磨穿此硯守更久及壯事功勲
磨盾歌從軍軍中不用硯家書勞勿聞卽今行作吏母
也望益摯种况硯竟焚未敢輕一試吁嗟慈母心綢繆
何太深欲與不遽與抱硯長沈吟阿父重遺經阿母重

遺硯一樣教子心名成親不見千里紙一張百年淚兩
行至此硯始決示我能無傷願君益磨礪求美不求異
異恐豪貴嫌終非慈母意

題桂楣司馬所著平海心籌

三上無功氣不舒屢頭誰言胸有甲兵儲一生心苦方
焚硯百戰功成特著書茅屋註經山海外草堂開卷雨
風餘捉戈草布吾儒事肯使修期志願虛

刮剝錢與桂楣司馬同作

請醫無錢藥不應梁藥亭句以錢爲醫善治病錢能百病醫

刮痧爲更宜痧去錢仍在借手一轉移嗚呼一文何足
惜可以起死而肉骨我願大施法力求錢神世盡溫飽
無病人

書九峯太守

耆齡

惠畫巨石并贈長歌賦此以酬

九峯先生卓風骨贈我西山一片石結體遙從鐵嶺來
君是錚錚好人物墨痕初散線似煙著紙不動山凝然
誰滴秦山萬古留破十二重爲洞天如龍如鸞如猛獸
瑞氣奇情無不有頃刻冥頑盡秀靈知君妙用移山手
憶君貴戚依

皇居石渠從小讀

賜書鴻名自泐矢不朽壽山探得珍璠璣精刻點綴瀛洲裝太液青瑣題詩沐

恩澤一麾却似秦皇鞭驅入風塵雜沙礫嗟君硯礪橫
填胷銳毫掃出標玲瓏市人掩口高士拜我亦心傾甘
下風賤子粗材何足數碌碌依人走塵土願資攻錯借
他山君曰圖之吾玉汝披圖卓卓騰光精觸處上天爲
雲卿到公有寶不得秘詔書昨下臣門徵君乎擊石歌

虞廷

時以大府保薦將入覲

弔林少穆制軍

則徐

督師粵西
未到而逝

安危方賴忽神摧蓋世勲名遂一時

三殿疊傳哀痛詔九州重立去思碑悲風慘淡生寒磧
落日蒼茫照大旗咫尺鬱林飛不到警鵠聞鵬悵誰知
不應論過但論功踪跡平生感慨同未定指揮留隱憾
轉因磨折見孤忠北韓南郭名兼有怨李恩牛事不窮
回首玉門關外路敝車羸馬黯霜風

鄉國飄零去就輕無諸臺上挹風清

制軍
籍閩

不貪鐘鼎張

良病重拜旌旗魏尚行鎖鑰北門仍重寄琴棋東野素

蒼生

君恩未報身先死聞上遺章涕淚橫

豐碑珍重比璆琳謚法分明勒古今一代文章燕許手

三朝忠盡范韓心

謚文忠

英雄獨傳榮於表滄海諸公淚

滿襟想見褒功

明主意爲籌昌後轉沉吟

弔李石梧制軍

星沅

督師粵西
歿於軍中

李晟天生社稷臣還山重起

詔書溫風雲正會三台座星宿俄驚五丈原窮海老成

半凋謝

兼謂林文忠公

戰場新鬼況煩冤天南一柱今誰是腸

斷峯頭叫暮猿

粵西獨秀峯上刻天南一柱四字

釋褐拖青頓

賜緋

君恩重疊涕漣洏十年易進兼圻任九死難酬特達知

憤動玉書銜

命曰夢迷金甲受降時似公不爲封侯出李廣功崇任

數奇

經濟文章炳日星若論出處更分明主恩郭令艱危報

母命陶公慷慨行馬革遂爲千古重鴻毛敢視一身輕
出師表與陳情表總是人間血淚成

江南江北舊歌勲從此消沉遂不聞頓覺安危關四海
早傳甘苦共三軍魂歸帝子蒼梧野功在尚書白桂墳
我亦謝公門下士西州行過淚紛紛督兩江時詢蒙保舉卓異

重弔林李兩制軍

一代號名臣嘖嘖林與李生榮而死哀他日在青史林

兩廣督李兩江督何物夷敢犯疆林乞身告病李乞親告養

詔特起天下聞林病東粵李病西粵地不同同數奇林

哭先李哭後時不同同恩厚嗚呼二公勲業無人識一
死遂爲天下惜忠臣論心不論迹出師未捷名赫赫我
爲二公長太息

贈家桂山大令同年

文燦

一落江湖三十春蓬飄萍轉逐風塵頭銜畫餅千官錄

蹤跡搏沙幾輩人難得部民能念舊

桂山宰德興被議落職留滯邑中十

年貧甚邑人餽助薪水始終不懈豈無良友孰知貧多君磨礪心逾壯

名業留看未老身

大府奏請開復

送文靜涵都轉

文海

之任陝西

穩踏名場老更遷似公纔算吏如仙
手判得失三千牘眼見升沉四十年
儼屬共傳聞政錄兒童能讀諭蒙編
風流轉憶公餘暇滿座觴吟幕府連

轉運巡宣擁旆依依楊柳繫江亭
帝資傳說爲霖雨人道鮮于是福星
百醉不辭耆舊餞一車猶爲故交停
何時細取龔黃事說與關中父老聽

滕閣送別圖題贈靜涵都轉

百二關河遂向秦畫圖偏戀灌城春
長風送客三江路高會題詩一輩人
臺閣落成知氣旺

滕閣被火重修都轉監作雲山

臨別覺情親轉思不是閩都督當日誰扶大雅輪都轉姓閩

與林桂楣招小銘登望湖亭卽爲小銘作別

吳鉤重看手摩挲慷慨登臨奈別何九疊峯遙和日淡
五湖潮滿覺秋多塵中送客還留館天上封侯要渡河
若使一官閒散老豈應辛苦枕琯戈

桂楣以軍功起家司馬閩曹非其位

置小銘亦有從軍之約故云

鴻雪軒與桂楣小銘話舊

茫茫歧路黯傷神又印鴻泥一度新聚散談如前世事
登臨喜共故鄉人風邊煮茗穿心礮雨後尋花折角巾

到底英雄留不得隔江遙望馬頭塵

桂楫小銘
皆將過江

送招小銘

秋風秋雨客心催珍重臨歧酒一杯亭下艤舟蘇子過

江頭擊楫祖生來貧拋故里傷蛩駘老怯長途感驥駘

時予亦將
奉役遠行此文登臨須記取湖山回首望似蓬萊

答萬梅甫少尉

開和

別來無恙否展轉爲君思地僻剛宜靜官閑不厭卑吟
詩見風骨寄信問鬚眉腸斷離亭樹西風昨夜吹

粵西

無端烽火劫揚灰五嶺愁雲黯不開邊徼風沙諸部落
中原旗鼓大行臺事論功罪誰魁首覺啓華夷是禍胎
外夷犯粵壯勇雲屯散無所歸遂集爲盜若使海防如舊固孫恩何物敢輕
來

二百年來頌

聖明太平無事孰知兵地第八桂風斯遠人似三苗化
不行控制有權資大吏慈祥無術誤蒼生土官建設知
何意他族毋滋戒亂萌賊多客籍頑民

頓覺牂牁水氣腥隔江蒲葦望冥冥三年毒結蚩尤霧

八座光沉傳說星

謂林李兩制軍

誰道么麼能跋扈我聞征討

是聲靈伏波往矣留銅鼓打動雄心不忍聽

成敗英雄可奈何

詔書三宥

主恩多不教喜敵誅林父終恐殃民悔段婆猛虎留山

空自惜

唐王建詩惜留猛虎在深山射殺恐畏終身閑

老熊當道敢誰過鎮南

一片峯頭石

鎮南峯宋狄青征蠻智高勒碑處

只待功成勒不磨

吳城雜詩

吳城佳號錫吳儂爲是周郎集戰篷

相傳周郎習水戰吳山帆檣如城遂

名其地今日圍成衆香國鶯花絲竹女牆中

茫茫遊跡總如塵風景依然客感新一角危亭遠千古

亭自望湖湖闕人望湖

湖上人家半水田田頭漠漠散輕烟兼旬陰雨忽開霽

白鷺背人飛上天

春光如夢亦如雲詩裏情懷畫裏身楚尾吳頭青不斷

一湖山色兩江人

湖山一代幾人傳搜剔殘碑半不存鴻雪浮踪隨處有

爲髯翁過遂名軒

鴻雪軒

峯頭闔盡古風霜五老支離立道旁
添我不妨呼六一
雲山相對鬢蒼蒼

近江風俗重江神祠宇香烟靄霧雲
太息忠臣三十六

功成終讓水將軍

元將
軍廟

南人操柁技神通
只要行船使順風
行者熟眠觀變色
輕舟出沒浪花中

風波如此豈應行
行客時時滯驛亭
南北東西分八角

等閒來驗相風旌

八角
亭

雨過潮生漲滿湖
頻年飄泊歎其魚
後河未退前河長

忙甚隨衙報水胥

曉出拋簪暮夜回漁家無數渚溪隈停舟笑語癡兒女
載得姑塘好月來

千秋功鉅挽狂瀾

廣濟神祠有功在邇關
福爲岳大將軍鍾琪筆

廣濟祠堂在

世間詞客文章豪傑事記留石弩鎮吳山

坡公於吳城
河干得石弩

留存廣濟神
祠並作記

令公祠過聶公祠處處迎神耀彩旗夜半響輿聞互戒

室中談笑畏神知

搢神輿者必極力顛
播作響不可解也

香衙衙口亂山頭景是濃春氣似秋拜月妖狐知月意

照殘青塚照青樓

日日看人送殯回九華依舊法門開金剛不壞談何易

曾閱銅鞭鐵棒來

寺中法戒有此一條

一月權衡兩比期算無遺策有餘資廿年轉愧催科政

比較精能遜市兒

合鎮大小賬目半月一清謂之比期殆襲錢糧比校之例耶

刻薄成家亦竟成明攘暗奪只求盈須知主計歸呈籍

中有千家痛哭聲

奸牙倒行最爲客商之害

錢法難平慮日深

十年來錢價日賤一日

持籌空費重臣心市人

豈識朝廷事也愛十瓶瓜子金

銀號以瓜紋分行市面下其手商民受累無窮

所謂瓜紋者蓋瓜州鹽課相沿爲行市通用也

未必經營計便差盛衰難問舊生涯朱門行過人猶識

零落當年八大家

鎮舊有八大姓今零落矣

年年送往又迎來下吏關津眼界開爲問皇華舊賓館

座中多少過江才

皇華館

眊耗襟懷那得開提壺聊復賞春來紅花落盡缸初熟

不負韶華只此杯

紅花缸水至清醇因有佳釀

蕭蕭竹院午風生半日清談我尙能贏得路旁閑指點

青衫官客白衣僧

白衣菴

官味清閑足素襟感時觀物轉沉吟秋菰春韭尋常事

偏費殷勤野老心

市人進新歲歲如此

車聲人語雜簫笙未算風流負此丞却是老韓同傳意
萬家燈火吏如水

詠懷

人世所用物在天備且詳寒則有天衣饑則有天倉天
都屋萬間天市肆萬行上界足官府大小飭紀綱天事
既日繁天民遂日忙無錢阻婚嫁有詔求文章升沈感
遷謫治亂驚機軸神仙閑與世同擾攘嗟嗟世上

人海外尋仙方仙方在眼前人境卽天鄉仙凡等煩惱
仰首心茫茫

失馬有禍福好龍無假真鳳不至則悲見麟又淚痕靈
物任自然安用人勞神聖以感物憂愚以逐物昏雞虫
徒自鬧牛蟻何所聞願與物相忘魚鳥時來親

平生好讀書恨不萬卷罄愈讀書愈多殉書日貧病因
思焚書坑今古罵嬴政六經固未灰所焚或符命湮遺
籍尙除荒唐詞豈剩偉哉秦焚功與孔刪述并

奉答南山師寄贈

進退無權念隱憂重承師訓憶師遊湖山不負須循吏

師贈句云難得詩人作循吏况官司馬近江州仕宦能歸是吉州師曾任吉安感遇

便慚踪跡判論詩猶許肺肝投師贈詩又有篇篇向我肺肝投之句南園

虛受風陶淑白髮門生氣已秋

補錄水仙花詩此詩與第一卷玉山樓春望同爲少時西園詩社作也吾粵自前明

以來疊開詩社道光初年南園西園兩社最盛詩至萬卷送鉅公甲乙子玉山樓作拔置冠軍此作取列第三名距今三十年矣同社諸公風流雲散故園韻事老更難忘偶憶及之補錄於此

回首瑤臺隔幾層六銖衣尙露華凝朝雲暮雨三生夢

素女江娥一劍稱北渚天高曾降汝西湖祠老合陪僧
浮家只慣烟波住屈置盆山恐未應

子良詩存卷十二

番禺馮詢

奉役

任事乃無事事來重費神家貧僮僕悍官久吏胥親
勉出門去吁嗟行路人猶勝衰寂老敢怨役艱辛

剝船

有序

此直隸漕挽剝船而江楚委丞倅代造者同人
謂之優差計利未籌害也承造曰攬頭承運曰
幫頭二者實與是役相始終利恒于斯害恒于

斯予奉是役有戒心焉作剝船詩

萬夫邪許挽不得粟米之征窮力役十年一發水衡錢

五年小修
十年大造

詔令江楚爲剝船制度煌煌頒部冊銖黍無

差重周尺誰歟敢食舟楫利官家有程慎供職異哉一

紙公檄來吏胥工匠歡如雷紛推競薦幸入選矢以實

力呈良材斤斧一聲轟伐木陡看奔走人烟簇一船欲

活千百家竊恐沾濡膏不足役夫逐利安肯閑運船更

望載寶還謂資彌補法可恕譏征目竟無當關驗船有

吏威權望見津門齊駐槩船到羣呼役奏功憂疑誰

識都船長我聞唐時劉晏善造船五百緡必給以千成
大事不惜小費值有餘羨工精堅又聞宋時呂相善馭
役篙人楫師許貿易至清之水愁無魚少販償勞何足
責朝廷惠澤豈不深賤役亦懸君相心萬民脂血一人
慮國帑忍付波浮沉低首殷勤語三老戒爾篙工毋逞
巧吁嗟漏船如漏卮決裂從來在中飽

剝船謠

糧船重剝使輕糧船側剝使平糧船一剝船百以百剝
一毋乃刻剝到糧船無擔石造船剝剝何如剝在上舞

吏胥剝在下走役夫運船剝剝恐後剝以私土物貿剝
以公關稅漏層層剝削何由成船成乃以剝船名未剝
河乾兼水涸剝遂流行剝不惡剝有盈虛消長功糧船
賴剝塞而通剝亦爲民剝道正聖人曾不剝百姓

章江舟中與林桂楣話別

話到燈殘酒倍傾別離轉覺重交情老來感舊稀朋輩
客裏談鄉當弟兄久宦始知名是累因人幾見事能成
過江正泊雞鳴埭要共劉琨聽此聲

督解剝船舟中感賦

聚如雲霧散如星奕奕關河望去程三輔征輸王事重
廿年遊宦客途輕浮家泛宅談何易陣馬風檣勉此行
偏是江湖經歷慣波濤纔動輒心驚

意有未盡再賦四章

捧檄登途絡繹催沙行水宿亦塵埃江湖舊是都船令

十年作縣皆管漕務
催船之苦殆不堪言

仕宦慙非作楫才官廩有程經月

聚

水手計日給
糧官有憑限

客帆無恙及秋開操舟莫道書生怯曾

學乘風破浪來

禿襟小袖開紛紛彷彿昆池習水軍幕下驕兵狼虎隊

水手類江邊橫陣鵲鵲羣幾時秩進千夫長

二百船計皆凶徒

人一笑功成萬石君轉運古來需將畧倘能分濟亦微勤

忠信波濤未足驚中流自在且揚舲工師得木君王喜

仙侶同舟子女警燈火萬家雙隻堠烟花三月短長亭

春風不過江南去橋上啼鵲幾客聽

計到揚州守陳

想到津門便解顏桑乾河畔水潺潺轉因碧草思南浦
敢以皇華怨北山便許馳驅防馬倦可能來往似鷗閑
高歌例是租船客吟遍江亭水驛間

鹿洞書院

撥雲披霧見賢關鹿洞傳經舊講壇
逃墨歸儒輸地佛

舊碑紀載以論丈課士入山官
太守親詣月課千秋不絕惟羔

雁一代能鳴卽鳳鸞慚愧塵勞指俗眼
老墻荒碣背人

看

謁朱文公祠

徒聞抗疏動公卿直道當時已不行
青史共誰論往事

白頭今日拜先生偶尋山水知真樂
纔附門牆享大名

忽憶英雄陳亮在登堂尙許是同聲

青山舟次喜晤王曉峯少尉

光杰

卽題其滇遊草

離合誰能料逢君又歲寒江湖行路客風月住山官舊
事聯床話新詩把盞看四方正多故于役敢辭難

別曉峯少尉

咸豐辛亥冬王子在青山青山非大治勢握江湖間王
子兼攝來官卑任則艱卓哉展布才豈以職分閑嵯嶠
立巍峩凜若羣峯環往者魚鹽利官民同濡涵自從易
新章例錢爲一刪利苟實在民遑恤官寒慳前官畏貧
去君來何翩翩嚴冬湖葦叢險比萑苻灣舴艋巧出沒

漁釣藏幽頑治以保甲法編號書斑斑行旅穩渡江誰
知江吏難卽今

聖求賢躍躍登朝班四方況有事似君甯宜閑嗟予老
行役風雪方度關握手重臨歧別久會倍歡歡話轉復
悵十載仍塵顏艱難作閑吏相顧同長歎君居我正行
等是勞人寔我老君正壯力可高躋攀願君勉前途名
場終路寬

贈杜小舫嵯運別駕

文瀾

畫談兵法夜談詩萬口爭傳杜紫薇志薄雕虫投筆去

功成戰馬載書歸公卿許揖知名重仕宦投閒恐願違

若就過江人物論似君甯得脫征衣

別駕以軍功得官故云

客况蕭條易愴神秋風秋雨大江濱愧遊滄海非豪士

喜到青山有主人

時別駕奉役駐青山

志在功名須及壯語關情

性不嫌真阻風中酒吾經慣却遇平原勝飲醇

送陸稼堂中丞

應穀

奉召入覲

大江環繞澤涵濡

帝念憂勞覲玉除五月治平齊報政

萬年基重漢徵書

名卜萬年吉地

新猷燮理資開府舊價文

章在直廬

宵旰正勤行敢緩攀轅空擁八駟車

造化親承筆下培

蒙示所著地理書並詩集每晉謁輒談文字

感深翻覺別

愁催閑員易倦思于役

時奉委督運剡船

大匠難逢愧不才霄

漢路長金勒去江湖風靖錦帆開立

朝倚倍單寒念多少人登郭隗臺

姑塘關

一夫呵叱萬心寒僕隸當權勢勝官莫怨爲關今以暴
須知行路古來難淒淒風雪孤山渡逐逐波濤九派灘

商賈亦民應重念有家誰肯冒狂瀾

關下遣悶

炎炎關下敢揚舲夜掩蓬窓悶對燈一卷寵於當夕妾
萬緣紛似少年僧靜思息事談何易老歎奇勞得未曾
若使江湖真濶大不應無地避漁罾

度關不得赴九江郡道中作

未收帆影更車塵慚愧營營此問津百種崎嶇投郡路
滿身風雪度關人望中北郭閑亭院夢裡南樓舊主賓
何必琵琶纔淚落江湖從古易傷神

等琵琶亭不得

萬絃彈盡一亭休
衰草茫茫古渡頭
無限淚痕何處著
爲君澆酒過江州

茶亭題壁

傍水依山結構新
客途聊此駐勞薪
一杯未盡茶棚散
解作清談得幾人

望見津亭倦眼開
頻年捧檄記重來
未能潤涸徒消渴
愧飲西江水一杯

出關

大笑傾囊去書生竟度關窮餘一杯酒醉看六朝山前路正未已中年安可閑榜人知此意擊楫楚吳間

彭澤縣訪郭雲友大令

毓龍

不值舟泊數日大令

回縣既晤有贈

溯洄情重到偏虛知已難逢轉跂予風雪未回尋戴棹文章終見注莊書紅蓮吐艷才人幕

謂幕中錢和卿象黃子鴻兩秀才

柳成陰舊令廬咫尺名山曾未到使君何處命遊車

城外

雪佛巖絕勝僧言大令勤政未嘗宴遊故詩云

酬錢和卿秀才

履元

未逢君面已虛襟爲想生平著意尋詩酒自饒名士氣
樂憂誰識秀才心因人因樹聊爲屋結客同苔却異岑
祖餞錢郎從古重一篇佳句勝千金

彭澤縣幕中贈門人黃子鴻秀才時方報罷

可堪歧路話匆匆失意真愁氣易窮下第文章工亦拙
中年事業困纒通傲凌滄海風生座寒入江湖雪滿篷
一策馬周身遂貴依人何必定無功

飄泊嗟予一散官江湖干役路盤盤不才已歎成雞肋
何味猶思食馬肝夢寐未衰吾黨在行藏無愧古人難

隨身剩有酬恩劍把酒同君子細看

彭澤縣阻風口號

百年人海亦匆匆逐浪隨波要轉篷一意滿帆張不得
馬當長有打頭風

榜人歌

鳴鳴

大江榜歌發聲如此

高山大川暮日長途長途已矣行胡爲

乎人生世間莫作舟子年去年來水生水死

有母倚門有妻弄瓦盤有子啼饑號寒男兒勿愛好筋
力筋力好時作夫役衣人衣食人食生人不滿百在家

賊曰劫人須劫官賊去寒江變熱地吹笳擊鼓排旗戲
黃金投瀨珠沉淵鉅官之寶不在船官船有寶賊豈饒
寶是陸家壓裝石官富不免危官貧不得歸嗚呼官不
得歸官瘦而賊忍肥

因賊思官作官誠難江湖一落憂百端爭名奪利如凶
神我聞古者京師亦自劫官途豈獨船有賊

寄懷錢和卿黃子鴻兩秀才

去去江湖客路催知交淪落首重迴莫愁范叔爲寒士
甚幸楊公識秀才身有文章安得隱口除杯杓不宜開

馬當咫尺停舟怨阻風倚杖待風送子來

潮淺候潮

已分身輕一葉飄依然濡滯轉心焦非無擡舉蹉跎悞
慚愧江頭應候潮

人物翩翩第一流渡江無計尙淹留誰將四海青衫淚
送入危灘送客舟

報恩塔

白骨揚灰丹血洒入土化作琉璃瓦風霜磨世不磨銅
一角浮圖半江赭塔報恩塔王塔報親明高皇高皇

有子金川變阿育無靈寶塔現百廿八盞燈沉沉照見
梟雄懺悔心以報恩名愧恩薄瞞着世人防佛覺爲君
稽首禮曇華世世勿生帝王家帝王家自有家法胡爲
破家始于佛皇覺寺佛至尊興隆寺佛皇孫嵩山寺佛
相門報恩寺佛強藩強藩亦寺已矣寺塔層層孽雲
起孽深劫重頻興毀老佛無言淚如水年年禪榻落花
風愁殺江南飛燕子

憶彭澤縣雪佛巖之遊寄黃子鴻秀才兼柬山僧
風雪交加裏欣然約看山客途隨地勝歲暮幾人閑壺

楹朋儕會經書弟子班明知難駐足聊共叩禪關

亦復在人境千家明一燈棲巖爭座佛巖殿極欹促而佛像甚多近

縣入城僧性定叅喧寂身閑閱廢興雪童知幻化雕鏤

作南能

歸臥尚遊興茲行殊亦佳閑官摩詰病冒風遊歸遂抱小恙小婦

太常齋

隨行侍姬吃齋佞佛山僧送齋至再拜而受可笑也

且得藥儲籠食須芒

作鞋姓名誰復識舊碣眼頻揩

勞勞移棹去回首望經幢此地未登岸有人方渡江清

談嫌日短豪氣爲風降

連日阻風

轉憶山茶好中冷寄一缸

贈林澡廉司馬

德泉

同輩幾人在逢君一豁襟遇奇知數定

同泊江上各不相知偶遊焦山

司馬附舟忽驚會面可謂奇遇矣

別久覺交深歌咏傳新邑翺翔憶故

林重談卅年事倘不負初心

身世無窮感蒼茫到酒邊舊今三月雨左右爾江船所
詣近何似茲行非偶然乍看驚轉慰風采正翩翩

遊焦山

江湖自滿地僅占山一點樓臺自滿山僅占石一广卓
哉漢焦生道隆德愈闇三韶徵不起避世拼入險袒腹

風雪威焚身野火焰意謂迹尚留卽爲高隱玷豈料千
年後隱山以姓喊芳躅旣表彰名勝集游覽多事關旃
檀精舍競闌檻附會作神仙焦仙祠仙佛輝映掩入山不
覓山但詫金碧閃却於華屋外林隙隱巖嵌咄哉姓名
爛復使形容儼巖刻焦隱士像推以初隱心豈不痛汚染嗟予
還行役僕僕塵滿臉勞碌訪高隱能免譏謬忝轉悔輕
出山旣放不得斂回首望高風奕奕寒山慘

揚州喜遇周子愉觀察

項

董梓亭吏部

作模

嚴問

焦太史

保庸

三同年招飲賦贈

諸公衮衮登瀛洲。我曾附宴陪遨頭。光陰彈指倏卅載。
一散頓感千沉浮。諸公名業已在世。隨地寄跡怡林邱。
而我奔走尚塵土。始終焚尾能無羞。江湖于役老未已。
日者偶泊淮揚舟。齊年零落幾健在。喜遇爲我經旬留。
疎簾清簟正長夏。賜叙不禁飛觥籌。坐中嚴子發大歎。
謂等作客悲飄流。吁嗟男兒志弧矢。功名豈合門限休。
卽就眼前論遊跡。君不出里來。邦溝董君東海我南海。
遠客更合黔中周。假如宦成遂歸隱。異地安得聯朋儔。
平生所志在憂樂。出處雖異情則侔。

今皇嗣位炳謨烈四海乃值多事秋河防鹽政費擘畫
羽檄更聽傳邊陲蒿目時艱縱抵掌坐論各吐匡時謀
因思此會豈偶爾客星所聚非閒遊况乎雅集屬勝地
鐵社自昔警裾收

國初諸老著盛典祿事屢向虹橋修文章經濟在公等
蜀岡遠繼廬陵歐賤子碌碌不足數亦欲一佩吳中鉤

揚州雜詩

剪綵爲花玉作枝裝成錦地古如斯匆匆廿四橋邊過
人影衣香又一時

小小湖船窄亦寬舟中兒女笑團圓客來恰領江鄉味
今日鮓魚正上盤

客纔如愁解不開野花江草傍船偎星星莫笑流螢火
曾照君王夜宴來

隋隄香霧散冥冥別苑離宮記不清只有玉鉤斜畔路
至今明月照人行

舊時歌舞散如烟却聽簫聲一惘然小杜不來風月減
青樓未必似當年

杜篠珊言自客揚州未嘗訪妓

一代才華一代新青衫詞客往來頻不知邗上題襟館

今日何人作主人

夜泊清江口

猶有元龍氣未消眼中淮海路迢迢
水流濁浪還清浪山送南朝到北朝
百戰關河餘此地一年燈月見今宵
誰知青雀黃龍畔有客扁舟坐寂寥

福興閣

上流高據闢巍峩估客年年破浪過
邪許聲中消白晝蒼茫影裏見黃河
抽刀可斷愁何有懸布雖登慮亦多
言利從來輕跋涉萬程轉漕憶蕭何

拖壩有序

福興開暴漲陡落非重船不得上土人關隄作
道水濡泥滑輕船拖挽以行過此則黃河矣予
督解剡船二百隻悉拖壩入河而糧幫及銅鉛
幫過壩者輒爲暴漲所裂淹沒頗多感而賦此
往來隨意得身輕似尋泥塗却不驚推挽望人終失計
生涯遇地卽須行雞猪魚蒜逢着便食生老病死遇着卽行裴晉公語非關津要
無夷險纔入河流有濁清轉恐揚帆豪客笑小舟鳬雁
大舟鯨

渡黃河

一落江湖二十春
茫茫何處不迷津
無端隔斷黃河水
忽喚南人作北人

黃河七夕

此恨仙凡共悠悠
感逝波一條通碧漢
九曲作黃河風浪
豈不險別離何太多
轉憐小兒女今夕客中過

娘難見

有序

辛亥壬子間黃河決淹沒數州縣淮徐一帶飢民蝟集時予于役北上路出是間有老婦携八

歲女兒奔走百十里追及予船求收養作婢力
却之且恤以錢不受委兒徑去兒在船隨諸婢
伺應主人不敢悲泣惟日暮輒倚船窗愁苦作
小語察聽無他辭但曰娘難見聞之慘然作五
解誌歎

娘難見娘在山巔兒在水面山水亦天胡爲使我娘兒

割斷解一兒在水面貴人之船娘在山巔窮無一椽窮無

一椽飢餓難並存低首語兒娘今將兒送貴人兒聰明

必得貴人憐兒飽矣娘涕淚漣漣解二貴人富足恩及婢

僕飲食衣服勝父母鞠育解三鬟翠衣青侍側兢兢仰視

貴人貂蟬何榮貂蟬雖榮不如我父母鵠面鳩形呼娘

娘不應恐貴人嗔忍淚吞聲解四娘難見日倚船窗苦千

山萬水排無數中有一條隱愁霧是娘送我來時路解五

揚庄舟次寄簡乙燃常州

與君同客別君行別後思君感慨生直道事人防忤俗
窮途須友見交情合歡酒盡瓶慙愧打劫棋多局變更
此去正從陽羨過買田吾願可能成

途次贈江西總漕張濂泉司馬

繼瀨

一上樓船坐閤官氣亦豪征輸王事重轉運將才高權

吏論升斗男兒擁節旄此行存活賴勿使怨屯膏時河決爲

災奉旨
截糧放賑

滯滯平生慣征帆卷復開過江慙我後破浪看君來竹
箭秋期汎蘆花古劫灰憑誰獻三策防潦正需才

長途旣滯秋風逼人畏此簡書慨然揮感

茫茫湖海仲宣樓瑟瑟霜風宋玉秋君不行兮疑有待

客何爲者得無愁一官食祿羞言瘁三策傳家戒好遊

奉委者皆自求効力
不可謂非好遊也雖吉可勝凶悔吝塵勞能息盍歸

休是役也作者七人崔仙洲楊吟秋孟春園阮谷廉顏小劬古乙垣並予爲七後去古乙垣補豫定之仍七人耳顏捐知府孟阮僅造船未出運而逝古則尙未開遺釋事落職然則吉一而已凶悔客居其三也一役三年榮落遂爾可勝歎哉

河上秋懷

禹迹茫茫在九州無端遭劫地沉浮江湖天縱蛇龍宅

草木風驚鳥鼠秋轉運有權籌海便江蘓海運宣防何術望

洋愁河魚腹疾無人見惆悵黃流是濁流

兩年辛苦業全空河工將完復決鋪畚難施帑易窮奮有神威

刑白馬痛無人力任黃熊功收賈讓文章外事在王尊

感慨中王尊諫慨義感莫向清時愁苦過盛平年候最

難逢

至尊宵旰念危顛食祿當官忍忽然將相自持星使節

時有以假食河幣入告者奉 旨吏胥難核水衡錢讀

書言利原籌國輸粟論功等備邊開河工轉為羣公搔

首歎羽毛

恩重勝貂蟬大吏捐廉勸捐 賞戴花翎官紳以次獎勵

一詔恩留萬斛船奉 旨截留糧無窮殘灶盡生烟終

資吏澤敷三族莊子河潤九稍慰民心復一年翡翠樓

船珊是網攬載貨物糧船遂作多寶船運重鼉鼉橋道

石誰便開橋致石商民樂利今安頰尸祝千秋四大賢

惟上祀靳籍楊李四公祠
皆治河有功利澤在人

江河流毒只涓涓砥柱惟憑手障川眼見關津成棘道

慮防斥鹵變桑田客商畏關政之嚴官吏憂鹽課之絀江淮間談時務如此豈宜娶

婦容河伯誰料稱王到水仙却感升沉重長歎過江名

業幾人全河漕大吏皆被議河員獲咎不知名數浙江湖北湖南三省糧道總運皆以行遲落職

艱難行路況沉災于役猶登督亢臺瓜蔓見霜經歲別

藍花如雪問津來將赴天津蹉跎耐久身疑懶險阻驚多念

易灰今古泊河無善策彼蒼將鍊濟川才

過韓庄湖

破空蕭洒放舟輕百里洪濤一日程
驚鷗閤似駐湖兵山仍夏鎮湖上地名天秋色水自南流客
北行坐擁樓船男子事藏詩積槩見平生

分水龍王廟感舊

有序

廟在運河屬汶上縣固先伯兄舊泊也老僧廣
布年七十餘云住此廟四十年矣伯兄宰汶上
時事厯厯能言之且大歎息曰是好官惜不久

任及觀壁上字畫則招銘山墨迹在焉銘山爲
先伯兄鄉試同年與先伯兄前後作宰青齊皆
被議落職今且皆捐館矣千里長途廿年舊夢
感今思昔如何可言

渡頭楊柳拂毵毵曾繫當年長吏驂
南北路分遊子淚升沉事過老僧談
燒愁買酒黃墟市感舊題詩白髮龕

忽憶神龍西畔客十年風雨話寒潭

濟南城北五龍潭側有桂未谷潭西

精舍今爲僧房予滯濟南七年暇輒訪僧精話

老鳥行

船頭老鳥鳴喳喳船中有客思還家還家不得向鳥語
鳥爾辭巢欲何去短篷昨夜風蕭蕭推篷看雪撲面飄
江湖于役嘆憔悴鳥爾何者同飄搖越盡吳山兼楚水
直到燕臺今見爾昭陽宮樹有好風鳥爾飛騰方未已
鳥飛慎勿飛南方南方處處皆戰場時思戰場爲爾計
亦得幕上可以鳥棲息老兵畏賊無暇弋南人戰死供
爾食我亦南人歌嗚嗚恨身有翼不如鳥

河行雜詩

黃河從北來河患不在北入南始用河用多盡河力支

川至三千名川亦三百濟則爲滙通激復成決裂卽看
汴淮間今古費寧盡試從虎牢口上溯龍門脊在南河
紛紛在北河寂寂北河豈無患三遷避殷宅却只防災
危未及圖利澤願不爭河利以爲治河策

築河以轉漕運道始前明利賴在國家至今僨運行然
而動費帑國用亦匪輕治漕兼治河大小吏經營因恩
轉迎利二臣著隆名蕭何利漢家劉晏利唐廷水陸運
兼籌不專河爲程今昔事勢殊未可輕論評幾幾大舳
艫海運尤飛騰此則波不揚四海資隆平

帆影不到底濁流成軟塵不知爲誰忙南北日夜奔
惟難照影翻照影非眞匪惟難洗心未洗心先渾美哉
濟水清伏流疑避人

迎河數十間開闢如籠樊間盡飄然行遂出臨清關詎
料出關後日行咫尺間帆席不避面轉轉相往還運河
善用河曲極使迴瀾乃知有數間未若無形閑黃河曲
千里以曲爲大觀太盛氣易盡稍遲行較安轉復悟人
理直道從古難

齧齧二百舟點水如蜻蜓又似風落木千葉萬葉輕雖

亦奉王事渺渺何足稱道逢糧艘來萬斛勢縱橫律以
小役大應避不避懲昨者公文來未讀色先驚剝船是

何物敢入官河行

律漕武弁以有事爲榮謂剝船不早讓漕具稟漕帥奉札飭有何物剝船

胆敢拂摘之語

湖水得南風行客覲天隙此隙設悞過一陳通可塞通
塞亦偶然時哉不可失相時又不易患失復患得未風
燕雀知未雨蟭螟識昏昏老塵中人反不如物

人生忌晏安勞役非所苦長爲行路人於世却何補所
得良亦多人情與風土風土南北分着衣同一塵塵衣

新舊別着身同一熱熱慎勿熱腸安能炎不涼世若無
飢寒何者爲雪霜

鮑叔知我貧胡不卽分金陳平出無車安用長者臨實
惠尙恐後虛文何足欽有客落窮途四顧愁沉吟忽來
總角交感激傾素襟百計方爲謀一去渺難尋想彼殷
勤時已懷巧避心嗟嗟行路難結交悲古今

河梁快握手中道逢故人故人爲高官垂老今乞身恨
不故人阻雖老毋隱淪卽看車馬還氣焰光如雲道旁
爭擁視嘖嘖誇聲頻自是誇乘軒未必誇還輪男兒重

顯榮勿調俗眼昏要路苟不居寂寞情誰親念此莫怨
役官闕尤苦辛

新柳亦昏黃殘柳亦昏黃依依弱可憐胡爲種路旁昨
歲河隄崩土崩柳亦僵借以繫輕舟客路同低昂何況
感風波已自愁冰霜柳往而雪來行役古所傷

燕已海之角鴻還天盡頭一舉卽萬里豈爲單寒愁丈
夫志四方得似靈禽否儒寒非短衣官寒非敝裘別有
涼薄風吹得心隱憂

行行重行行不覺天津橋橋頭正風雪客懷寒蕭蕭客

憫何蕭蕭河水何迢迢誰爲河綢繆上釋

皇心焦書生獻河防可以簪筆朝壯士挽河水可以兵

甲消

時河患漫溢雨未
平靖故詩云爾

將抵天津

臨深履薄轉兢兢欲罷靡勞尙未能行色黯成青縣路

客心寒到白河冰

求船云北
河已凍矣

山川笑兀迎三輔裘馬輕

肥想五陵歷盡艱難身健在敢誇雖老骨峻嶒

剝船報到漫題二十八字

淒淒帆影到橋收橋上回看破凍遊二百輕舟如白鷺

亂拖飛雪入蘆溝

天津旅館夜坐書懷

宦情鄉思兩無聊
迸作寒襟酒不消
萬里津橋天漢路
五更山閣海門潮
塵埃入市心先濁
風雪臨關勢益驕
無故催來復催去
坐聽街鼓換春韶

伊穉君年丈

伊謂

屬題菰蘆息影圖

天寒日暮風颼颼
有客正泊長蘆舟
簡書可畏鬱不樂
惠我忽感詩函投
緘索句要題畫景
恰對菰蘆溝
咄哉英雄乃息影
豈有憤念思藏幽
憶昔長安共唱和

潞河送別圖清秋楓葉荻花照行色柳旗蒲劍紆邊憂
卽今海隅頗多事叢泊嘯聚驚南州水聲激激章冥冥
梟騎戰死駕馬愁君乎有志欲籌海連逃藪澤應窮搜
男兒生不蓬蒿沒志士爭肯江湖休君不見蘆中人昂
藏七尺懸吳鉤

打水行

幽幽閭簋銜燭龍水晶蓋壓龍王宮龍宮寶多玉散彩
無端糾合結銀海五丁鑿海如鑿山河面鑿得紋斑斑
長施簪鐵大鎚石爬羅剔決又細極功成有似分水犀

一泓湧現寒淒迷河夫有力勿稍歇歇處河水復凝結
復結復打冰依然打河日費十萬錢嗚呼治河之費豈
止此黃金布地盡化水

後打冰行

北河凍後南河始南河亦凍北連底長官不問北與南
打冰日日催丁男兩河一夜變紅雪長官心力丁夫血
糧船歲暮不到倉天津北倉檄縣徵夫大吏忙羣夫冒凍作
糧役不識官倉米誰食朝打暮打不敢遲生打死打不
可知昨日冰開水突出水底沉沉見溺骨打冰雖死莫

怨聲長官自要顧考成明知冰厚打不破鞭扑嚴催示
非情嗚呼通塞有時安用催河水不打春自開

靜海縣途中口號

短衣匹馬倦塵征歸路重臨靜海城一樣棲遲風雪地
來船沉重去船輕

見所解剩船散泊河干

老郎無事枕鸞眠隨分寒沙淺渚邊却感艱難撐到此
渡頭飄泊作閑船

癸丑元旦

物換星移感更深便停車馬意驢驤一年人事三春首
萬里家山五夜心塵裏杯盤僮笑語雪邊離落客沉吟
變變乍聽鳴村社忽憶天南戰鼓音

吳橋題壁

迎新送舊柳條條廿四番風第一朝春色江南無恙在
已傳行客過吳橋

大雪後有作

無地可容雪依然白上天驅車防失路閉戶好耕田作
客悶飲酒有人寒戍邊降祥須止武否則負豐年

途次聞大兵過境

忽地驚傳戰鼓聲紛紛豪傑路先爭
閃官遲早歸何碍只揀無兵處便行

荏平題壁

偶然留住便縈情南國鉦鼙北里笙
明是客愁聽不得却思絃管屬昇平

汶上縣感舊寄尹平姪

有序

癸丑正月五日于役南旋宿汶上縣聞尹平大
姪前一夕北上亦宿此店主人殷殷言之知爲

舊令尹眷屬也憶子臯先伯兄宰是縣距今近
三十年矣罷官後貧無以歸弟若子不能不逐
逐求仕遂至風塵中咫尺相失良可慨耳

棠花無主落紛紛說尹翻令淚滿巾眷屬已成歧路客
縣民猶似一家人讀書登第原非福爲祿求官例得貧
此意少年知不得看花騎馬正逢春

姪孫煥光
北闡新捷

徐州道中

匣劍重看手自摩老來豪氣半消磨乍離北海賓朋少
漸入南徐士馬多別後春光無恙在眼中人事奈愁何

此邦舊是爭雄地慚愧蕭條策蹇過

告江神

有序

賊逼金陵揚鎮居民聞風逃徙舟擁丹徒口淺
不得進惶恐喧雜目擊心慘用告江神

萬聲悽楚告江神何苦危時阨要津
眼兒盈盈衣帶水不移尺寸拯生民

得雨水長渡江口占

迴波無力雨絲牽終藉神恩得濟川
霹靂萬聲飛爆過

夾江營畔小紅船

舟人以爆竹祭神過江

淺泊候潮

月黑星橫淺渚隈坐愁看到燭成灰無窮世事如潮水
夜夜心頭上一回

無錫縣呈吳雨亭大令

時行

久別忽驚逢變色作疑語君從何處來去又何處所豈
有離亂時進退得由汝聞言我大歎窮宦困行旅三吳
天下腴生聚古樂土爲是富民多避亂得先舉先舉雖
幸生未免流離苦君爲沃土官力足易安撫甯忍使民
散並使客無侶三月艷陽天慘慘寒風雨解衣急衣我

勿暇論縞紵

抵姑蘇

姑蘇能到眼重開虎阜崢嶸接鹿臺哀樂自生歌舞地
興亡誰弔霸王才驛邊聽角兵愁動城外聞鐘客思催
轉憶畫船燈酒會蕭條眞負此番來

蘇州呈倪濂舫方伯

培植虛承造化功散材何補歎飄蓬四方多事徒爲客
一退無能已負公以恬退爲訓特爲艱危思任鉅時江寧被寇而方伯
新任轉因周卹愧途窮報恩願作長城祝莫道捐軀卽
是那

盡忠

湖北安徽江寧三省以失守大吏殉難固不乏人

杭州呈徐鐵孫太守

榮

離亂途中特訪君不忘故舊見經綸老談世患方籌筆
窮助行資勝指囷論地越吳皆霸國治杭蘇白是詩人
得歸再結南園社却恐匡時要此身

憶少年相與並獵於吾粵南園詩社

忽忽三
十年矣

途次贈伍明生員外時員外北上避寇南歸

戎馬倥傯際相逢各愴然一杯瀝胆酒千里聚頭船
家國艱難日功名壯年男兒四方志去住爲誰牽

冒險胡爲者相時聊復還豺狼敢當道猿鶴悔離山勇
退子非怯饑驅吾未閒重勞鄉寶贈意在唱刀環

刀見
贈

過嚴陵灘

客心孤迥入江寒江上無人把釣竿日日危灘船上下
先生何忍作閒看

過常玉山

八口支持賴老妻亂離何處定依違過山咫尺無多路
轉爲憂疑緩緩歸

上饒縣訪莫堯冀大令

廷蕃

留飲賦謝

淒風苦雨大江濱
偏爾衙齋得好春
梁上果垂留過客
座中樽滿敬鄉人

客皆同鄉

途窮便借饒民手
地險方資保障身
今日亂離歡會少
始知談笑是經綸

客感

時難何處得閒遊
歷盡征途客感收
山勢正長雲倦過
灘聲纔盡水平流
因人成事英雄笑
乞食還家妾婦羞
想到亂離安是福
敢無奇骨望封侯

銷差

簡書拋手劍辭腰纔避煩喧苦寂寥三載客程爲日久
一場公事似雲銷莫因家累傷勞役終恐官閒負

聖朝虎口餘生歸竟得儘容老健向人驕

蔡香祖大令

廷蘭

屬題滄溟出險圖

有序

蔡大令臺灣澎湖人爲諸生時省試旋里遭颶
風舟幾覆飄泊安南國歸倩友人作滄溟出險
圖綴以長歌又製海南雜著一卷曰滄溟紀險
言風濤暴惡舟人不慎而幾覆也曰炎荒紀程
言歸途所經餽送觴咏地主款洽而有禮也曰

越南紀畧則朝代沿革關隘守禦山川草木風土人情於斯畧備竊念我

朝聲教覃敷四夷賓服安南其至恭順者自暎夷犯順吾粵亡命輒爲漢奸否則爲鄉勇多獲重賞夷亂旣靖窮無所歸嘯聚爲盜起粵西而兩湖而兩江禍且未已揆厥所由實自夷患始安南非暎夷比也而馭夷則一殆非一朝一夕之故其所由來者漸矣嗚呼風波之險僅一身甚或一家盜賊之險幾半天下安得寰海肅清

同歌出險哉大令與予同住江右出是圖徵同

人題咏借君作題遂有是詩

我亦海隅民愧不識海疆雖復老江湖未險先驚惶偉
哉滄溟圖一見眉飛揚入險又出險險極爲文章飄流
到何國云是古越裳越裳今越南吾粵近相望朝發夕
可至風便飛梯航憶昔阮相公儀徵相國督粵籌民穰因思
富春城越南地名地廣足稻粱免稅使移粟粵賴無飢荒夷
利旣已通夷患尤宜防近海多大盜出沒黑水洋罪發
則南竄遁逃藪是邦嘆夷記入寇漢奸助披猖安知非

此輩恃險凶能藏控制有權衡外安元內康乃者粵寇
生嘯聚始跳梁流毒遂未已江漢而淮黃豈無良將材
賊焰勢正張書生敢談兵憂國情難忘讀君海南著紀
載何周詳初亦用兵地纂奪頻興亡胡爲懷遠人彬彬
知詠觴且能念寒儒並念儒高堂固由

皇化遠亦實君才良辭受寓恩威茹吐兼柔剛忠信行
蠻夷險隘皆康莊卽今困風塵潮海氣未降願推制險
意以爲籌海方

守城

癸丑春粵寇犯門遂陷金陵四月杪分賊船
千餘竄入江境丁未五月初八日奉委駐守

順化門十八日寇至圍
城八月二十二日圍解

斯道任干城書生不必武義足氣自雄凜凜重守土平
生事詩書養氣和爲主卻於義所在誓不苟去取以茲
臨大敵所向孰敢侮談笑揖將軍甘苦雜卒伍翻然換
儒冠兜牟轉媚嫵征戰豈不危拒守亦良苦捧檄奮登
陣賴有鐵骨拄念此竊自喜仁義誠干櫓咄哉紙上兵
空談何足數

聞警

分明是強暴乃指爲難人

探回皆稱非賊乃被賊擄而欲逃散者

大官豈

不知借以安愚民大官自有心愚民自有身綢繆非不

預亂至事難論請看刀槍破半載城上陳

久辦防堵

五月望南風南風得亦易仗以阻賊船或者遲遲至遲
至便何如苟且目前計但長兒女情已短英雄氣稽首
語石尤勁助風帆勢早早送賊來一戰決鈍利

出城別

有序

寇入江境省城聞信士女紛紛逃徙或以同仇
不肯忍置則眷屬盡去男子獨留戶散門離傷
心慘目作出城別

出城何爲慘悽悽城內車馬城外鼓鼙稍緩不出城

重圍父別子夫別妻去者未必安留者將如何其危解一

男兒佩弧矢誓將定國安邦秉燭達旦呼妻孥婢僕爾

輩相率別此堂堂及門尺地耳中有九曲羊腸屢回頭

竊竊向堂上主人耳語所囑宜勿忘解二刀響弓鳴結隊

巡城點籍打門呼不敢應猙猙狺狺是破城賊耶曰鄉

勇曰守城兵解三行路難出門已如此出城更何似露宿

風餐膽鳥爰止無主人一家仰誰看視解四如天崇墉賊

安得攻城便阻賊卻念主人望我我望主人相見何從

欲寄音書惟有飛鴻

五解

豫章城樓呈同守諸公

南浦西山一樣青
可堪憑眺動愁情
田園棄盡秋無色
刁斗聽多夜不驚
我輩何當遂高閣
男兒畢竟要專城
扶危定困平生意
慚愧徒觀壁上兵

兵

平時安逸慣令至
忽馳奔家室分離
淚朝廷象養恩不
馴多豈善已賤死
誰論卻莫輕行伍
名成卽將門

勇

不爲同仇起操戈本性情亂平愁寂寞功大忽強橫泉
布難償欲弓刀易誨爭還鄉思處置未必作耕氓

旗

旗以言乎期與衆期聯羣起然卻無常出沒如有神斬
將必先奪一竿繫三軍氣靡則已衰遠視防敵人

帳

伏處疑蛇牀密排疑蜂房營帳亦陣法向背紛成行嗟
嗟一尺布雖容如處囊風雨所漂搖甘苦誰同嘗

刀

名將惜寶刀不斬凡庸子將軍許斷頭英雄誓落指大
刀龍排雲小刀犀分水一用一回靈夜嘯鈴轅裏

矛

矛以直見剛其勢銳無遮豈知用矛時宛轉如盤蛇丈
八亦已長遠近隨意加健兒挑將歸橫立氣不譁

牌

設牌以衛身衛身已自惜要在一往前冒死目無敵殺
機牌內伏殺氣牌外溢牌盡突見刀萬人勢辟易

鉤

剛直不得施會濟以鉤曲其名爲辟兵勾決利且速二片不留行服此可駐足引來復推去與鑲功並錄

灰

封之以瓦礫約之以布囊賤雖等泥沙用則能飛揚任教勁敵豈有目不敢張轉憶昆明池萬劫成材良

石

選石無定程用石無定式要惜石如金入手不妄發探城防草人石盡出眞賊搗石李將軍擲一可及百

臺礮

霹靂非不豪果置近愚慈一動關兩人擡礮有妙用苟
未相厥機安能發必中范蠡創礮制諒匪恃一闢

滾木

一木已難支況是木既倒卻以倒爲支危城賴可保軸
如輓轆轉刺如荆棘抱周身密排木釘又似筆陣橫一落千軍
掃

擡牌

人人集擡牌礮必擡牌地能擡不用牌露立看敵至巧
固賴見機懼亦重臨事不見臺上丸彈人以觀避

噴筒

黃竹鑿便通白茅束使通體有十尺強氣可百人敵放
出大光明散作小霹靂一條銜燭龍四射含沙蜮

火槍

一響落飛禽并州小兒事奈何今戰場恃此爲利器便
成士卒功亦失丈夫氣金人飛火槍安有震天勢

火箭

凡箭利用穿惟火法取墜孫子火攻五曰火墜以不求
火著箭墜入營中也
孤的巾但冀重圍至雀足飛上天雀足加火飛入雉尾
城壘見隋書

拖到地

雉尾炬見宋書杜慧度傳

炙地復燒天攢炬何由避

火彈

火彈豈不同勝旺敗則熄英雄手一丸氣燄關可塞親
見敗城時冒死彈互擲賊退論城功焦頭作上客

火籠

一座琉璃城

順化門俗稱琉璃門

玲瓏夜如晝火樹千竿排鐵華

萬簾簇望敵亦疑敵氣旺炫烽堠不見崑崙關張燈異
續奏

沙包

本是白沙城

豫章北郭有白沙堆挖去復積

更包以塞防折盡縫人鍼

傾殘土匠筐運既檀侯壽壓卽韓侯囊勇兒事功名安

得忘沙場

井油

蜀地出井油火得水愈迫陽以陰而旺燥以溼而發相

尅轉相生誠非敵所測安得滿江紅燒賊如赤壁

順化門

予奉委守此門同守者爲王都閫佐清程少尉應樟傳少尉益瀚

豫章有七門

德勝章江廣潤惠民進賢順化永和

奉委守其一於名爲順

化青旭照東日

順化屬東門城樓名青旭

城外卽校場地藹氣威烈

意在仁義師肅殺仍溫澤異哉困重城曾未見鋒鏑但
聞鼓鑼聲在遠徹朝夕似得目前閒且可事外逸嗚呼
安得逸破一途及七憂盛而危明何況險禦敵大吏愁
報國小吏愁供職

德勝門

賊專攻此門次則章江門偶及之餘五門固未嘗見賊也

德勝門前走沙石德勝門中列刀戟守城大帥上城頭

寶花鐵甲銀兜牟

楚北江臬名忠源奉辦軍務中丞委以特掌兵權

旨幫

手下健

兒擁八百楚材借用倍得力

楚勇保城最爲有功

連環礮盡門難

開掘隧暗施震地雷將軍欲以巧勝賊任賊破城攻不

得一破孤雷鳴再破雙雷轟三破龍蕭危城墮

賊屢穴地城崩

土松雨注稍重賊遂乘勢攻城城危石堅攻以火條條火箭飛上天猛

龍落地嬾蛇眠流星滿空火彈擲城中彈比城外烈攻城無計賊膽寒畏縮緊閉賊營門保城有功奏

天子

賜玉翎管兼獎指

謂楚梟江公

賊賊逞凶惟德勝門是攻人

人爭功惟德勝門是從頃刻旌旗車馬其光熊熊一門

如市六門如水一門功高六門耻守城閑將肉生髀鳴

呼安得賊至此

地雷

火雲騰地大釋靈十萬軍中齊變色元戎神勇可迴天

手制毒雷使無力灌嬰城臨今古雄有圍必解不畏攻

相傳江省自有城以來未嘗被破

長梯大礮勢盡失驚險乃仗偷兒功

老百賄嬰不敢語細響丁丁落如雨依稀似近旋復遙

聽到黃泉爭幾許

城內掘井藏囊令警者伏坐聽賊穿地道聲息謂之囊聽礮聲瑟

縮伏井蛙藥線宛轉蟠徑蛇掀天揭地有可用未用鎮

靜聲無譁銅牆鐵壁忽推倒舊孽健兒腰膺好指揮跳

躑躅從容短衣一笑長城保衛開煙霧疑有神城頭陡

洛飛將軍奪旗斬賊不知處但見血洒揚紅塵嗚呼
城穴社終一死鼠狐伎倆乃止此

空心礮臺

於城牆挖空拱出城外爲礮臺環城間設用以護城

城如腹臺如乳臺於城爲夾輔火擊石機發弩外無敵
中有三一丸泥一撮土方寸間容幾許苟無具大何補
宋公鼓李姬肚

崔仙洲太守

登釐

代購輶齡集索詩時同駐豫章

城樓防守

戎馬書生弱不勝喜傳靈寶意飛騰活民先自培元氣

垂老因君識養生萬令求丹兼婦子留侯采藥是功名
不知此物何精力贏得將軍百戰輕

趙倫集山京都其方云是定興王征

安南國所得有延年經子之效故詩云云

白髮蕭蕭兩鬢秋未完塵劫孰能休卽看仕宦勞何補
豈有神仙術可求欲張一軍誰借力偶嘗百草得忘憂
危時贈我延年藥此意陳詩未足酬

答仙洲太守

亂離交契倍情深把臂傾懷似夢尋取義成仁男子事
共憂同樂弟兄心

惠詩有兄弟之約二語皆來書所及

勸加餐飯經綸在

談到瘡痍涕淚沈使不忘家仍爲國一封書抵萬千金

來書云新得家信

寇逼豫章沈郡陽衍慶率練勇赴援喜晤有贈

遂許馳驅匹馬輕提戈西指豫章城一方威望英雄尹

百練良材子弟兵長說士爲知己用沈受中此行君有

義師名當官避事知多少今日何人更請纓

與林桂楣太守夜話有贈

平生心苦劍藏鋒會屬題劍氣圖照出匣今朝似足雄亂借寇

恂宜郡最省城被圍委署首府危留祖珽慮城空商民逃徙城幾一空須知

子良詩存

卷十二

四

且臣上准節受中丞專出岑之乃勇爲一戍戈焉言哉

昆陽之戰未特知車馬多乃身一單乃名義詩

否半論機會半論功

弔馬鎮帥 濟美

城頭報捷三軍喜惜哉軍喜將軍死將軍之死由兵辱
兵退不退獨力難我爲將軍悲重述將軍事將軍奮前
茅中權後勁繼前茅乍倒後勁強後勁雖勝前茅傷我
聞將軍到任纔十日兵於將軍如未識腹心未結臂指
供運用不靈安得力君不見岳家軍百戰百勝如一人
又不見田橫客一人身死死五百乃知甘苦與眾同平

時恩義臨時功嗚呼將軍終不愧總戎身先士卒死亦
雄將軍死矣羣公泣殺盡辱兵悔何及

各大憲憤殺鎮帥親兵以爲兵

不設將者戒

兩傷詩

兵棄將論死

謂馬論帥親兵

棄將以偷生軍法終難逃何如殉陣亡猶得義名褒卻
念訓練軍未必忘王曹傷哉將與兵兩死皆不豪

民獻官求生

南康守都閭星子令浮梁令皆被民縛獻賊冀免害而賊害如故賊

問都閭獻者何人都閭答以親兵賊曰好親兵立殺之噫賊何足道兵不如賊爲可羞耳

二謝公初神聖不從賊而浮梁令罵賊死星
子令憤溺死忠義赫赫眾目共見附記表之二

獻官以求生所賊殺卽賊賊豈知大義太慘亦心惻卻
念循良吏未應有此厄傷哉官與民兩死皆不直

斬逃

逃兵

百年恩養一朝辜刀下原情法遂無究竟謝公詞未愜
儘容此輩豈京都

斬越

越城

法律明知不可乖偶踰防檢累朋儕

越者守
者皆斬

並無他志

緣乘便怨指繩梯是禍階

悲瑞州 有序

省城豪貴多徙是郡慢藏誨盜焉有此悲

悲瑞州瑞州城何愁守爲客

客出在外也

今爲囚

被賊擄

書

司曹佐走如牛

解

守令與賊終始土人土生土死流人

何處不可流胡亦困此

中有富家兒郎世家子

解外賊

未知內賊先窺囊滿金箱滿衣嗟嗟衣金是何物能令

一家死別生離

解齟齬齟齬

男頭女足今日血紅昨日

鬢綠地慘人號天陰鬼哭

解爲語土匪毋傷客民離鄉

爾亦求主人彼賊待爾豈獨仁爾導賊劫賊先戕爾身

君不見賊船歸擄掠成羣

五解

中元老兵祭幽歌

飛飛雨洒秋風溼吹動羣屍作人立英雄一蹶起遂難
望斷城頭向天泣老僧高據舊將壇昨日舉旗今樹旛
橫冤慘孽不得懺毅魄踢倒經牀翻爲君澆土一杯酒
世上梟雄竟何有卽看荒草亂墳中半是健兒好身手
人生慎勿歌從軍沙場埋沒何紛紛艱危不作秦庭哭
哀怨誰招楚客魂雄心冷盡終應悟嗚咽而來談笑去
河燈昏暗忽復明照見當時立功處老兵感此悲填胸

廿年刀戟與爾同數奇百戰不稱意一勝遽沒空侯封
嗚呼博得封侯終可喜不見靈荃嘔血無功死

見異星

中天珠璧盡休徵異不爲災有

聖明偏是書生最多事董談星宿杜談兵

聞沈槐卿殉難哭賦四章

鄱陽失守

取義成仁豈偶然卻傷亡逝亂愁牽死生亦大誰千古
聚散無端遂十年安用才名滿吳楚本來豪氣近幽燕
拚身一擲仍明哲幾輩危時得保全

風骨錚錚匪自今見危授命早思尋淋漓稽紹填胸血

珍重蘇秦繫肘金

沈製白布小衣自書銜名蓋以縣印披胸示予矢臨難必死若論

生平無愧怍卻愁衰弱轉沈吟

親老芝山有石都磨徧

頌德難窮父老心

金石論交久愈堅每談衷曲互纏綿死猶執紼須良友

生已爲文祭大賢

蔣矩亭重槐鄉風節曾作生祭楹聯

看劍挑燈曾幾日

枕戈磨盾正英年酬恩不惜衝鋒去此意真爭祖述先

茫茫前路渺難憑未卜他生悔此生萬劫爾完應樂界

重圍吾困尙愁城

時章門尙未解圍

讀書殺賊男兒事作賦悲

秋成客鶯賦取一杯和淚酒豫章樓上醉糟騰沈赴援來省任

不及旬而三度訪我豫章樓上杯酒論心不意遂成永訣可勝痛哉

神礮

古者兵器無礮具始自桀石以投人變爲機發制百出
彈丸脫手何紛紛英名遂與人力奪雌爲子母雄將軍
戈矛劍戟弓刀甲礮所到處飛如雲我思陰符志士讀
神機妙用各有真邇來戰陣久不講但恃一爆張威噴
軍裝至礮愚蠢極雖勝不入英雄論異哉豫章古福地
有陷必解巍峩關動勢未必盡仗礮眾人擁出推爲神

頻施寶覺具妙用百發百中殊超羣不知前此幾破敵
或得神號非無因極愚轉以巧用著極蠢偏以靈名振

昨聞武庫吏走報地礮突出衝泥塵

起出廢礮二三千觔者十四尊餘大

小三百餘尊

視爲廢鐵乃堅好試放異響驚妖氛越日忽報

神礮裂滿城歎息疑病呻詎知礮裂正神用時至功成

宜退身又復薦賢以自代默助奏績無聲聞不然神物

百年業不朽正報捷豈精靈湮

時將解圍

乃知始終不懈是

鐵漢一心與人成大勳此意可以勵將士並可以媲美

在朝柱石之良臣

中秋

一困經三月愁城積翳天寒雲如此重陰月不能圓成

客聞簫管

城上有吹簫者

將軍散酒錢

是日犒賞軍士

彼蒼猶亦醉忍

縱賊歌筵

城外賊營大衍歌舞

水

搔首問天吳胡爲驅海至豈不見災民陸沈已憔悴晴
雨偶愆期洪流勢遂恣港滿賊艇通河滿賊帆利困賊
困水災斯民何處避禦寇閉重門控訴復無地河伯何
不仁助虐縱醜類安得挽狂瀾一洗兵凶器

火

放火防賊來賊復放火去生聚百餘年傷哉付一炷時
平地寬闊城池民占住一旦戎馬興毀烈非無故卻念
締構難屢舉輒猶豫戰守之急謀利害安得顧賊則一
意殘惟恐不暴露賊去民復歸野坐哭家具痛望瓦礫
場綢繆悔未預燎原難撲滅賤子舊得句鉅公大贊歎
謂得先機悟予十年前作鎮燈謠有人生得意莫盡歡
火易燎原難撲滅之句爲大司寇陳子鶴
先生所賞謂今日兵火雖悟愧無謀感激更愁賦
直於十年前先及之

解圍

一笑遂解圍有如重負釋么麼何能爲大將怯小敵巡

勞書

大中丞張公帶在籍大司寇陳公孚恩星使江公忠源力伯陸公元煥廉訪陳公光宸觀

祭吳公其泰鄧公仁堃在籍前廉訪徐公思莊每日以次巡城晝夜不息守耐夏秋

徒鼠狐鑽穴但鬼賊明知勢必竄未竄計已極賊除地雷更無

改卻念兵凶危臨事重警惕功成復不居相與讓神力

戢戢許旌陽千載仰廟食

迎祀許眞君於德勝門城樓賊火箭礮子落城中如雨而

不傷一民皆謂神力既解圍大吏奏請加封神號

題伍明生員外所贈粵刀

有序

員外自江回粵囑佩此刀余既奉委守城移馬

城樓上逾攜以往計被圍九十三日中固朝夕
不離寢食亦伴者同憂共患義何可忘題四十

字誌感

相識遂相倚

三月得刀五
月遂有是役

提攜看不休與君原故里此

日共危樓恩重隨身在功成帶淚收轉慚金錯贈辛苦
未封侯

呈陳子鶴大司寇

孚恩

入贊

絲綸出建牙

時告養在籍奉
旨赴班軍務

魏我功立德逾加活千萬

命爲親壽結

九重知作世家鄭履聽依星遠近萊衣歸帶日光華還
山鈞任長城寄四海蒼生望正餘

遇合

明良似此希臣門

天衣墨淋漓便留正色爲朝望終恐清名被世知御賜清

正良臣樂忍中年歸笑傲勞思前席扁額

問瘡痍憐才將相情同重感唱從軍許論詩拙藁重蒙贊賞

送江岷樵廉訪

忠源

解豫章圍旋楚卽赴金陵軍

中

綵衣披拂節旄麾業願平生算不違志在匡扶溫嶠起

千排紛難魯連歸焦枯未甚難消劫廉訪到卽盡燒城外民房以防賊匿

缺陷能填卽解圍賊兩次用地雷轟破堞垣廉訪親督兵勇奮殺擒盡城賴以保早晚

封侯圭璧重已傳

玉詔下綸扉廉訪既保城有功大府入奏上賜白玉攀指翎管

征途寥落用兵餘痛定重經忍忘諸蘆荻秋風彭蠡雁

桃花春水武昌魚此行盜賊知名姓廉訪兩弟皆從軍來江貽畏謀勇射

惡札入城有可恨他日蒼黎問起堪卻感新亭揮淚別

江氏兄弟之語

羣公籌國定何如

時金陵尚未克復

賊退後城望書感

滿目荒涼瓦礫墟
烽煙纔息未消除
焉知老死填溝壑
豈不懷歸畏简书
日暮途長聊復爾
時難恩重轉愁予
竹頭木屑終何補
慚愧從軍是散樗

古銅鼓歌呈吳橘生觀察同年

其泰

卽送移節江

寧

吳公錚錚有鐵骨
正聲不與凡俗阿
賞音贈我古銅鼓
感激爲賦銅鼓歌
伏波制後鼓成俗
都老坐笑羣蠻過

銀簪擲地鬪奇巧獅蛇作紐龜紋羅嗚呼物材愈寶劫
愈重故家遺物歸誰何精華久鬱卻必洩豈有神器終
消磨公言此鼓出粵水有客遠送章江河是時軍務方
交迫愛不暇賞徒摩挲我聞官縣樂備鼓至重響振振
鷺逢逢鼉入則諧聲集鐘虡出則振旅揮金戈卽今四
海正多事出不擊賊胡蹉跎雖然鼓在賊輒竄粵西江
西皆解
此中疑有神鬼呵惜哉公行不將去毋乃遇王仍虛
過我公得鼓倍作氣指揮所到勳勞多他日中原振旗
鼓榮歸錦里舞僇僇賤子爲公守此鼓以備吹臺合奏

金石相鳴和吳公河南人

寄蔣矩亭

一杯朋酒半年間今日重思涕淚洟今夏四月予與槐卿同在省飲矩亭

寓齋未幾寇至予奉委守城矩亭之永豐槐卿回鄱陽且殉難矣故舊無多生死別亂

離雖在去來難夢回風鶴愁邊樹迹滯泥瀉險處灘知

否阿儂湖上事坐聽蘆管過秋殘解圍後奉委吳城防堵

守城保舉述恩誌愧

便許微名列薦函干城重任可曾擔安閑過險庸爲福

所守順化門未嘗被攻衰朽論功獎愈慚百歲蹉跎年越半一場

辛苦月經三

守城三月

干戈未息簪裾盛

保舉文武共百餘人

何力能

酬

聖澤覃

賴虛舟上舍

學海

爲刻拙稿作歌誌感

憶我識賴君屈指近十年十年奔走同市廛風塵豪傑
原難識君更懷才善緘默世途理亂置勿聞獨與談詩
神奕奕鸞花觴詠曾幾時浮踪浪跡頻合離江頭于役
我正返市上行歌君尙羈玉石俱焚竟如此戰鼓沉沉
動江水兵戈掠亂安可知書劒棲遲非得已亂後生涯

難復難高貴華屋盡等閒驚逢急切問詩卷此物豈可
沉人間瓦礫荒廬風雪夕重與論文氣蕭瑟出門携卷
悄無言經月相逢示新刻感君用意何太深殺青便欲
傳古今人生識字憂患始令我展卷重沉吟嗚呼造物
生才數不偶況是遭逢亂離後千秋得失已無憑萬劫
消磨何不有枉拋心力著等身愛惜無人任凋朽卽今
鴻文埋沒世豈無安得一一搜羅付君手

雙溪垂釣圖爲程益齋廣文

學增題
時廣文避寇靖安

願君勿釣魚請看魚避釣有似避亂人刺促左右繞卽

今泉石樂纔脫干戈剽爾亦漏網來先恐爲魚笑轉思
定亂才垂釣輒所好太公淮陰侯前後相炳燿大柄若
在手羣鱗盡籠罩舍此戀一竿君意殊深妙閑閑雙溪
水漁隱寄吟嘯縱使不得魚且免風波暴安得唱漁歌
與君作同調